

فيديو # ٥٥٧ من مقاطع حظر التجول تدبر البقرة حلقة ٦٨ الآي

٤٧٢-٢٧٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعمية خمسة وخمسين من مقاطع حظر التجول. والحلقة السادسة والثمانون من حلقات تدبر سورة البقرة ارجو من حضراتكم تجميعوا المصاحف - [00:00:04](#)

الايات السابقة اللي تطرقت آآ للانفاق اتكلمت عن انواع من الناس وهي نفس الانواع الثلاثة اللي ذكرت في اول السورة. المتقين والكافرين والمنافقين وركزت على المنافقين والكافرين والنبي عليه الصلاة والسلام كل ما كان يذكر الفتنتين دول المنافقين والكافرين واحوالهم كان يحزن - [00:00:25](#)

يحزن عليهم ويحزن على حالهم ويحزن على عدم استطاعته ان هو ينجدهم او ان هو يساعدهم ربنا يخاطبه في الاية متين اتنين وسبعين اقرا معي متين اتنين وسبعين اعوذ بالله السميع العليم من الشيطان الرجيم - [00:00:50](#)

ليس عليك هداهم ولكن الله يهدي من يشاء وما تنفقوا من خير فلانفسكم. وما تنفقوا الا ابتغاء وجه الله وما تنفقوا من خير يوفى اليكم وانتم لا تظلمون يعني انت يا محمد لن تحاسب على مين اهتدى ومين ما اهتداه. مش مسؤوليتك نهائيا - [00:01:06](#)

ربنا قال وما على الرسول الا البلاغ المبين في سورة النور وفي سورة العنكبوت وبنفس المعنى ده حوالي ست آآ مواضع في القرآن الكريم بتتكلم على ان مش مسئوليتك ان انت تهديهم - [00:01:36](#)

ليس عليك هداهم آآ ولكن الله يهدي من يشاء ولكن الله يهدي من يشاء دي عملت مشكلة عند ناس كتير اوي فهموا انهم طالما لم يهتدوا يبقى مش غلطتهم. لان ربنا لم يشاء هدايتهم لو كان ربنا شاء هدايتهم - [00:01:49](#)

كانوا اهتدوا اذا كده ايه هم خرجوا من ايه زي الشعرة من العجين. لأ طبعاً. لازم نفرق بين هداية الدلالة وهداية الاعانة يعني ايه ؟ هداية الدلالة دي لكل الناس - [00:02:12](#)

زي اليوفط بتاعة الارشادات المروية اللي موجودة في الشارع موجودة للناس كلها كذلك ربنا لما يعطي العقل للانسان الانسان العاقل يبقى هذا آآ آآ هداية دلالة ربنا ادى له شئ يدله على الطريق على وجود الخالق - [00:02:26](#)

لما ربنا ينزل رسل وكتب آآ والناس تسمع عن الاسلام بشكل متوازن فكده ربنا برضو دي هداية الدلالة ربنا اداه للناس على الاسلام بعد كده بقى من سيؤمن فده بياخذ خطوة في الاتجاه الصحيح - [00:02:49](#)

ربنا يقول ايه؟ من اتاني مشيا اتيته هرولة. بس انت بتبدأ اللي بياخذ الخطوة في الطريق الصحيح ده بياخذ بعد كده الجرعة الثانية بقى من الهداية اللي هي هداية الاعانة - [00:03:10](#)

فربنا يعينه على الايمان ويعينه على الطاعة لكن اللي يرفض الهداية الاولى ويرفض الايمان فهو اللي يرفض الهداية كمل معي متين اتنين وسبعين. وما تنفقوا من خير فلانفسكم وما تنفقوا الا ابتغاء وجه الله. وما تنفقوا - [00:03:23](#)

من خير يوفى اليكم وانتم لا تظلمون. شف تكرار كلمة الانفاق جت ثلاث مرات للتركيز على اهمية هذا المعنى معنى الانفاق انك بتخرج انت انت لما بتخرج المال انت بتنصف نفسك من حب الدنيا - [00:03:46](#)

بتنصف عقليتك من العقلية المادية اللي بتسيطر على ناس وبتدمرها المهم الاية دي نزلت لان بعض الصحابة كان لهم اقارب كفار. يعني مسلا سيدنا ابو بكر لغاية الفتح كان عنده يعني يعني كان فيه يعني السيدة اسماء - [00:04:05](#)

الحديث لما ورد ورد عن السيدة اسماء بنت ابي بكر كان لها جد وجدة كفار اه نزلت لان بعض الصحابة كان لهم اقارب كفار وبدأوا يتخرجوا من الانفاق على اقاربهم - [00:04:22](#)

لأنهم مش هيقدروا يتحكموا في مين يستفيد من النفقة ومين ما يستفيدش يعني وانت مش هتخط الاكل وتقول فلان وفلان ياكله وفلان وفلان ما ياكلوش ما ترضاش تعمل كده فكان عندهم تخرج وشوف برضو هنا انتماء شعور الصحابي بالانتماء للاسلام لدرجة ان هو مش قادر يتخيل ان ماله - [00:04:39](#)

به حد عدو لله شف الانتماء الشديد لله عامل ازاي. فهم كانوا بيسألوا من لا يريدوا اغضاب الله. لكن المسألة بالنسبة لهم صعبة اوي عشان آآ النفقة ممكن تنفق على - [00:04:59](#)

كله يعني. يعني انا بدفع مسلا فاتورة الكهرباء دفعت للبيت كله. هقول ازاي لواحد كافر في البيت ما يستخدمش مسلا النور ما يقدرش فالفهاء اخدوا هذه الاية دليل على جواز الانفاق على الكافر اذا كان المنفق - [00:05:12](#)

اه بينفق اه صدقة نافلة. يعني مش زكاة مال زكاة الزكاة للفقير المسلم ده ده يعني آآ اجماع الفقهاء على فكرة وان كانوا يعني اجازوا في بعض الاحوال ايام ما كان مشكلة البوسنة والهرسك. وكنا بنجمع التبرعات وبنودي الاغاثة الاسلامية في البوسنة - [00:05:32](#)

جاء لنا من هناك خطابات قالوا يا جماعة صعب قوي نفرق بين الكروات وبين المسلمين كلهم احنا مع بعض كلنا بنحارب الصرب ودول مسيحيين بس. فاحنا العلماء هنا اجازوا الانفاق من اموال الزكاة على الكروات لان ايضا بينفق من - [00:05:55](#)

الاغاثية المسيحية على المسلمين. فده كان استثناء يعني. لكن طبيعي يعني اجماع العلماء على انه الزكاة للفقير المسلم ما زاد عنه الزكاة النافلة النافلة عن الزيادة. ما زاد عن الزكاة ممكن ينتفع به اي انسان - [00:06:15](#)

او حتى مش انسان لان الرسول عليه الصلاة والسلام قال في كل ذي كبد رطبة اجر. يعني كل مخلوق حي فيه اجر فيه يعني ممكن تتبرع لجمعيات الرفق بالحيوان بس مش من فلوس الزكاة - [00:06:32](#)

تمام؟ طيب نكمل بقى ايه؟ نقرا الاية. ليس عليك هداهم ولكن الله يهدي من يشاء وما تنفقوا من خير فلانفسكم وما تنفقون الا ابتغاء وجه الله وما تنفقوا من خير يوفى اليكم وانتم لا تظلمون - [00:06:49](#)

يعجبني قوي في الاية انها بترد المنفعة على الشخص المنفق نفسه وما تنفقوا من خير فلانفسكم انت فاهم ان المنفق عليه هو اللي استفاد؟ لأ ده انت اول من استفاد من النفقة بتاعتك انت - [00:07:08](#)

وعلى فكرة من ضمن الحاجات اللي بنستفيدها بس ما بناخدش بالناس منها انها بتريحنا نفسيا شوية بتريح ضمير الواحد من ناحية انه عمل حاجة من ناحية الفقراء فيقدر الانسان ينال وضميره مستريح ان هو عمل حاجة. فانت انت يعني بتستفيد دايما من النفقة اللي

انت بتنفقها - [00:07:24](#)

وما تنفقوا من خير يوفى اليكم وانتم لا تظلمون. كله راجع لك ده مش راجع لك عادي لا صرفت الف ها الالف اللي انفقتها في الصدقة دي راجعة لك اضعافا مضاعفة - [00:07:42](#)

بتضرب في عشرة وتضرب في سبعة ضعف وخدنا الاية. اللي هي الحبة التي انبتت سبع سنابل في كل سنبلة سنبلة مائة حبة. والله يضاعف لمن يشاء كمان هنا اخونا شعبان من فرنسا لفت نزري النهاردة ان الفقراء - [00:07:57](#)

لم يستثنوا من الانفاق هم كمان. ليه؟ لان الاية بتقول وما تنفقوا من خير فلانفسكم. وما قالتش من مال فلم تحدد المال والخير ياتي بمعنى المال ويأتي برضو بمعنى عام هو الخير عموما - [00:08:15](#)

ففي اللي ينفق ما عهوش مال فيقدر ينفق جهد. ازاي؟ يتطوع. وقلنا يا جماعة التطوع انك تتطوع مع مؤسسات خيرية ومؤسسات اسلامية شيه جيد جدا. حتى لو مش اسلامية آآ ممكن تتطوع مع المؤسسات اللي بترعى كبار السن والكلام ده تطوع - [00:08:31](#)

آآ وما تنفقوا من خير ممكن تتطوع بالجهد. تنفق جهدك انفاق العلم اتعلمت حاجة علمها للناس. تعرف مسلا مسلمين ما بيعرفوش لغة عربية علمهم لغة عربية دي من شعائر الاسلام يا جماعة اللغة العربية ما الموضوع بسهولة - [00:08:49](#)

اللي ينفق حتى ابتسامه. الرسول عليه الصلاة والسلام قال تبسمك في وجه اخيك صدقة ما ما تفتكرش يعني ولا تحقرن من المعروف

وبقت بتشوفه ينزل من البيت يمشي لغاية اول الشارع وبيركب مواصلات طب اسأل ما يمكن باع السيارة عشان ينفق على بيته.
تعرفهم بسيانهم هيبان عليهم لا يسألون الناس الحافا يعني مش بيلحوا في الطلب. اللحاف يعني اللحاح في المسألة. الله! طب يعني
بيطلبوا بقى - [00:14:19](#)

بس مش بالحاح لأ ما بيطلبوش نهائيا ازاى لا يسألون الناس الحافا يعني ببسألوا بس مش الحافا. لأ برضه والدليل يحسبهم الجاهل
اغنياء من التعفف. متعففين ما بيطلبوش خالص. بس عشان الموضوع ده اتفتح - [00:14:41](#)
فرصة للكلام في الاية عن الناس اللي بتلح في السؤال. فالاية بتثني على الناس اللي لو طلبت مش بتلح بس مش هم دول تقصد ايه ؟
يعني الاية بتثني على الناس اللي ما بتلحش في السؤال. لكن دول يحسبهم الجاهل اغنياء من التعفف - [00:15:00](#)
ده ما فيش في ايده ما فيش في جيبه غير الجنيه اللي طلعه قدامك وحاول يشتري لك به حاجة وحاول يعزمك عليه باعلى حاجة به
فهم ما بيطلبوش لكن الاية لقيتها فرصة تتكلم عن الناس اللي مش بتلح في السؤال - [00:15:22](#)
للفقراء الذين احصروا في سبيل الله لا يستطيعون ضربا في الارض يحسبهم الجاهل. طبعا عنده ورش يحسبهم جاي من الحساب
وهي نفس المعنى. يحسبهم الجاهل اغنياء من التعفف. تعرفهم بسيماهم لا يسألون الناس الحافا - [00:15:40](#)
وما تنفقوا من خير فان الله به عليم. اي شيه تنفقوه ربنا يعلمه ولن يضيع اجركم ابدا. ما تخافش ما تقولش ايه يا جماعة انا ابتديت
اخاف لان بصراحة من كتر ما الصداقات اللي بطلعها - [00:16:00](#)
ابتدت آآ مش فاكرهم كلهم وانا مش مسجل عندي. يا سيدي ما تشيلش ريسيتات. ربنا كل حاجة متسجلة لك. ما تخافش. فان الله به
عليم. كل قرش صرفته متسجل صوت وصورة - [00:16:12](#)

اقرا بقى متين اربعة وسبعين الذين ينفقون اموالهم بالليل والنهار سرا وعلانية. فلهم اجرهم عند ربهم ولا خوف عليهم ولا فهم
يحزنون الاية هنا بقى بتثني على الناس المحسنين الذين ينفقون في كل الاحوال - [00:16:27](#)
بالليل والنهار سرا وعلانية ماشي دول بيفيدوا الناس. ولكن قدم الليل على النهار وقدم السر على العلانية يعني هو اذكر لك كل
الاحوال. وقال لك ان حتى العلانية مقبول والنهار مقبول. نهار يعني يعني دلالة على على العلانية برضه - [00:16:49](#)
مقبول في كل وقت مقبول بكل حال مقبول ولكنه برضه فضل الليل على النهار. والسر على العلانية. الليل ميزته انه بيحفظ كرامة
الفقير الفقير مش متشاف وهو داخل بيتك وخارج باكياس - [00:17:14](#)
فالليل بيحفظ كرامة الفقير آآ قدم السر على العلانية عشان كمان يعطيك اشارة انه يفضل انك تنفق تنفق بنية خالصة تماما مية في
المية وليس من اجل اي شهرة ولا انك تراني الناس - [00:17:30](#)
في ناس بتنفق عشان الناس تشوفها لما مات علي زين العابدين ابن سيدنا الحسين علم فقراء المدينة من الذي كان يأتي بالطعام كل
ليلة ويضعه امام بيوتهم بقى لهم عشرات السنين كل يوم الصبح يفتحوا يلاقوا اكل قدام الباب. ما يعرفوش مين - [00:17:48](#)
عرفوا امتى ؟ لما مات لان خلاص الاكل بقاش يبجي علي زين العابدين. ده احد الناجين من آآ من آآ من كربلاء المهم فلهم اجرهم دول
لهم ايه بقى لهم اجرهم ؟ الكلمة دي دقيقة اوي ركز معي بقى - [00:18:13](#)

الذين ينفقون اموالهم بالليل والنهار سرا وعلانية فلهم اجرهم اه كلمة اجر دي الاجر بيعطى للاجير يعني انت بتجيب شخص مسلا
يغسل لك الاطباق في البيت. بالصابون اللي انت شاربه والماية بتاعتك اللي انت اللي انت دافع تمنها. فانت بتدي له - [00:18:31](#)
هو ما باع لكش حاجة. انت بتعطيه اجر عمله بس مش بتشتري منه حاجة عشان تدفع له تمنها. انت بتدفع له اجر مش ثمن فلهم ثمن
فلهم اجرهم. غير لما تشتري اطباق من شخص اخر. انت بتدفع له ثمن الاطباق. تمام ؟ طيب. ربنا بيعطينا اجر - [00:18:52](#)
يعني ايه العمل الصالح اللي بنعمله وليكن مسلا صدقة ماشي ؟ فانت اخرجت من المال اللي هو مال الله اصلا. واتوهم من مال الله
الذي اتاكم. فهو من ربنا بلاش العمل الصالح اللي عملته عبارة عن مساعدة جسمانية بالقوة اللي في جسمك. ساعدت حد شلت مع حد
حاجات ثقيلة وطلعتها مع البيت مسلا - [00:19:13](#)
القوة دي ربنا اللي اعطاها لك فانت ما بتاخذش تمن قوتك. لأ قوتك بتاعة ربنا اصلا انت خدت اجر اجر عملك ففي النهاية انت بتاخذ

اجر عملك لان انت ما لكش دخل اكثر من كده. اي شيه بتقدمه او بتنفقه هو اصلا من الله. فلما انت تصدقت - [00:19:40](#)
انت ربنا اجرڪ توصل فلوس مش بتاعتك وما لكش دخل فيها اكثر من كده اللي بيرفض ان هو اللي هو اللي بيرفض الانفاق في
سبيل الله ده وكأنه بيخون الامانة. ربنا مدي لك فلوس توصلها للناس فيه رزق للناس عندك فيه - [00:20:01](#)
زكاة مال طالعة عندك ما تبقاش لص ما تبقاش سارق فالثواب بتاعك آآ اجر. وليس ثمن فلهم اجرهم. الكلمة الكلمة دقيقة بشكل مش
معقول بصوا الصحابة كانوا يفكروا ازاى. وقد ايه كان عندهم حرص على تطبيق ما جاء في القرآن عشان يحصلوا الثواب -

[00:20:20](#)

قال ابن عباس رضي الله عنهما ابن عباس يقول رضي الله عنهما هو وابوه العباس عم النبي ان عليا عليه السلام ما كان يملك غير
اربعة دراهم فلما سمع الاية دية تصدق بدرهم ليلا وبدرهم نهارا وبدرهم سرا وبدرهم علانية - [00:20:42](#)
قال صلى الله عليه وسلم ما حملك على هذا انت ليه عملت كده فقال ان استوجب ما وعدني ربي. عايز فلهم اجرهم. ولا خوف عليهم
ولا هم يحزنون فقال لك ذلك. فسيدنا علي اراد انه ان كل معنى من معاني الاية ينطبق عليه - [00:21:05](#)
فمش كان الاحسن يوصفهم كلهم بالليل وسرا ممكن لكنه اراد انه يحقق كل المعاني وربما لذلك ربنا اتى باية احنا تدبرناها امبارح بس
تدبرناها بسرعة وجالي نقد انا من فلسطين دكتور صالح النعري - [00:21:28](#)
معك يا اللي انت بتدبر بسرعة كده ليه بقيت بقيت بتسرع كده ليه الاية دي اللي انت دبرتها بسرعة. يؤتي الحكمة من يشاء. ومن يؤت
الحكمة فقد اوتي خيرا كثيرا. وما يذكر الا اولوا الباب - [00:21:46](#)

الاية متين تسعة وستين يؤتي الحكمة من يشاء ومن يؤتي الحكمة فقد اوتي خيرا كثيرا وما يذكر الا اولوا الادب. شرحناه امبارح
ولكن دكتور بيقول لي ايه ليه الاية دي تيجي في وسط ايات الانفاق - [00:22:02](#)
ممكن عشان تلفت نزرنا ان الانفاق يحتاج الى حكمة في كم الانفاق في نوعية الانفاق؟ يعني حتى لو كان انفاق في سبيل الله. سيدنا
سعد بن ابي وقاص رضي الله عنه - [00:22:23](#)

كان عنده بنت بس وراح للرسول عليه الصلاة والسلام قال له ما عنديش حد يورسني الا بنت واحدة بس افاتصدق بثلاثي مالي؟
وعندي فلوس كفاية الحمد لله فايه رأيك اتصدق بثلاثين مالي - [00:22:38](#)
قال النبي صلى الله عليه وسلم لا قلت افاتصدق بشطره. يعني بنصه قال لا قلت افا اتصدق بثلثه قال الثلث والثلث كثير انك انتظر
ورثتك اغنياء خير من ان تذرهم عالة يتكففون الناس. اذا الحكمة مطلوبة - [00:22:52](#)
من الحكمة ان تنفق كل ما لك على الفقراء وتتوقف عن الانفاق بعدها. لان يعني انت مسلا واحد عنده مسلا نص مليون جنيه يقوم
رايح مطلع نص مليون جنيه بكرة ويقعد معهوش ولا مليم خالص خلاص - [00:23:18](#)
ما عملتش حاجة خالص. ممكن يكون عنده دخل كده شهري يدوبك يأكله ويشربه ويدفع له ايجار البيت وخلاص طب ده احسن ولا
الافضل ان انت كنت تطلع جزء من الربيع بتاع فلوسك. يعني تشغل النص مليون دول وبيدخلوا لك مبلغ شهري بتطلع منه جزء للفقراء
- [00:23:34](#)

انه كان افضل؟ انت لو كنت انفقت من الربيع يعني من الارباح بتاعة تجارتك وتحفز بتجارتك فتستمر في جلب الدخل باستمرار كنت
هتصدق ثاني وتصدق ثالث وعاشر والف فالحكمة مطلوبة لصالحك ولصالح الفقير ولصالح المجتمع - [00:23:51](#)
والحقيقة هي الاية بقى مش جاية في وسط ايات الانفاق. لا دي جاية في وسط ايات بتتكلم عن النزام المالي في الاسلام ده احنا بس
بسم الله الرحمن الرحيم كده بتتكلم عن الانفاق لكن لسه ده احنا هنتكلم عن النظام المالي. بيشمل الانفاق على الفقراء وبيشمل
معاملات مالية. ده احنا هنشوف بكرة ايات تحريم الربا - [00:24:10](#)

وبعد بكرة ايات كتابة العقود. وما يلزم كتابة العقود والاشهاد على العقود. كل ده يحتاج الى حكمة. الله يحتاج الى حكمة؟ طب احنا
هنجيب حكمة منين لكل ده؟ مش لازم الحكمة تكون عندك انت بس. انت ربنا يؤتيك الحكمة - [00:24:32](#)
واللي يؤتي الحكمة فقد اوتي خيرا كثيرا لكن هو الحكيم الفعيل مصدر الفعل اليم مصدر المالم رحيم مصدر الرحمة. حكيم هو مصدر

الحكمة. فما فيش افضل من التشريعات التي يضعها لك - 00:24:48

الحكيم مصدر الحكمة اي بقى محاولة للقفز فوق التشريعات ستبوء بالفشل ومصيرها الخراب لان دايم يا جماعة افضل تشريع اللي

هو لما اللي يضع التشريع يكون التشريع ده مش منطبق عليه - 00:25:08

والناس كلها بتتكلم دلوقتي على مش عارف تمسيلية. جاية بتيجي اليومين دول. آآ واحدة قاعدة قدام شيخ. آآ فبتقول له آآ يعني ايه

ليه لما واحدة تطلق ولا اه تطلق وتتجوز - 00:25:24

اه تاخدوا منها ولادها طبعاً الكلام اه طبعاً بينزل طبق يعني ينزل على الوحي كده كالصاعقة. معقول! اه الاسلام يحرم واحدة من

ولادها لأ سانية واحدة وانت ليه باصص بس على الجانب ده ؟ يعني انت ترضى ان انت ولادك يتربوا في حجر انسان اخر؟ -

00:25:40

رجل اخر لأ هو الاسلام بياخد منها الولاد ويديهم لامها الاسلام هي لان اللي وضع التشريع مش منطبق عليه التشريع فبيضعوا بحيادية

وينظر لمصالح الكل في المسألة دي ينزر لمصلحة الام والاب والاولاد - 00:26:00

انما انت لو هتخط تشريحة تحطه عشان يخدمك انت والفئة بتاعتك بس لو انت ذكر هتخط تشريع ذكوري يفيدك انت بس. لو انت

امراة هتخط تشريع آآ انتوي يفيدك انت بس - 00:26:17

نرجع بقى للاية متين اربعة وسبعين ثاني الذين ينفقون اموالهم بالليل والنهار سرا وعلانية فلهم اجرهم عند ربهم ولا خوف عليهم ولا

هم يحزنون الناس اللي وطنت نفسها على الانفاق دول. ما هو يعني ايه بينفق؟ ليل ونهار سرا وعلانية ده وطن نفسه - 00:26:35

بقى بينفق في كل الاحوال. طب وطن نفسه ازاى عود نفسه ازاى ما احنا خدنا امبارح بقى الاية متين خمسة وستين وشرحنا وقلنا لما

ربنا قال ومثل الذين ينفقون اموالهم ابتغاء مرضات الله وتثبيتا من انفسهم - 00:26:59

كمثل جنة بربوة اصابها وابل فانت اكلها ضعفين فان لم يصبها وابل فطل. والله بما تعملون بصير. زكرناهم امبارح لكن يعني ايه هو

تثبيت من هم وطنوا انفسهم على الانفاق. الانفاق اصبح شئ طبيعي عندهم. بقى بينفق بالليل والنهار ويسره علنيته. ده شئ طبيعي.

ما بقاش فيه مجاهدة كبيرة - 00:27:19

وخلاص هو هو اكتشف البخل اللي عند نفسه شح النفس فعمل عكس مهم قوي ان الواحد لما يكتشف عيب في نفسه وليكن شئ من

الشح. فالانسان تعمل حاجة اسمها الرياضة. الرياضة يعني ترويض النفس. فالواحد يعمل عكس الخصلة السيئة اللي فيه ويبالغ فيها

شوية. فيبالغ شوية في - 00:27:39

الفقر يقوم يعدل عنده حنة الشح اللي موجودة فيه دول ربنا قال عليهم ايه بقى ؟ في الاية متين اربعة وسبعين الذين ينفقون

اموالهم بالليل والنهار سرا وعلانية فلهم اجرهم عند ربهم - 00:27:59

ولا خوف عليهم وقلنا عند يعقوب التلاشر لا خوف عليهم هي لا خوف عليهم. يعني جنس الخوف مش موجود اصلاً. ما فيش خوف

خالص ولا هم يحزنون انا الحقيقة يعني يعني اللي بستريح له انه معناها ان هم ما يخافوش من من اي حاجة في المستقبل. لا خوف

عليهم. يعني هم مش من النوع اللي بيخاف - 00:28:16

الانسان بيخاف من المستقبل. يخاف من الفقر. يخاف من اي حاجة تحصل في المستقبل. ولا هم يحزنون ولا يحزنون على ما فاتهم لا

يأسوا على ما فاتهم. يعني ناس متوكلين على الله. وراضين بما قسم الله - 00:28:39

الصورة المقابلة لهم بقى صورة سيئة جدا وهي سورة المرابين الذين يأكلون الربا ودي هنتدبرها بكرة بازن الله خلونا نتوقف هنا الليلة

اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة - 00:28:53

لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك احب الينا من اهلينا واموالنا ومن الماء البارد

على الظمأ اللهم حبيبنا اليك والى ملائكتك وانبيائك ورسلك وعبادك الصالحين - 00:29:13

واجعلنا ممن يحبك ويحب ملائكتك وانبيائك ورسلك وعبادك الصالحين. اللهم احبي قلوبنا بحبك واجعلنا لك كما تحب. اللهم اجعلنا

نحبك بكل قلوبنا ونرضيك بكل اجسادنا. اللهم اجعل حبنا كله لك وسعينا كله في مرضاتك - 00:29:33

اللهم اجعل القرآن الكريم ربيع قلوبنا ونور صدورنا وجلء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف - [00:29:53](#)

في كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من سرورهم ونجعلك اللهم في نحورهم فانت الوكيل ولا حول ولا قوة الا بك - [00:30:24](#)

اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين وكن مع اخواننا في تركستان الشرقية وفي الشام وفي كشميرا وفي سريلانكا وفي الهند - [00:30:41](#)

واخذلهم اللهم يا رب انصرهم وانصر من نصرهم واخذل كل من خذلهم وطهر المسجد الاقصى من الدنس فانهم لا يعجزونك واكتب لنا ختم القرآن فيه وسدد رمي المجاهدين فيه يا رب العالمين وخب رامي عدوين - [00:30:58](#)

اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك. وتوحدت على دعوتك وتعاهدت على نصرة شريعتك. فوثق اللهم رابطتها وادم ودها واهدها سبلها - [00:31:15](#)

ابدأها بنورك الذي لا يخبو. واشرح صدورها بفيض الايمان بك وجميل التوكل عليك. واحيها يا ربنا بمعرفتك وانت يا مولانا على الشهادة في سبيلك انك نعم المولى ونعم النصير. وصل اللهم وسلم على محمد وعلى اله وصحبه ومن تبع - [00:31:35](#)

والسلام عليكم ورحمة الله وبركاته. ونراكم غدا باذن الله في نفس هذا الموعد. ان كنا من اهل الدنيا - [00:31:55](#)